

1272, juliol, 31

*Pere Pellicer, de Púbol, i la seva esposa Maria venen a Ramon de Sitjar, de la Pera, i a la seva esposa Guillema dues peces de terra situades a la Pera, indrets de Fontcorba i Pereta, que es tenen per Sant Daniel, pel preu de 80 sous.*

ASD núm. 217, perg orig., 165 x 185 mm. Regest: Llibre 21, núm. 78, pp. 84-85.

Sit notum cunctis quod ego Petrus Pelliparii de Pubelo et èius uxor Maria et filius noster Petrus, nos omnes insimul uterque et in solidum, per nos et per omnes nostros presentes atque futuros uendimus tibi Raimudo den Ciyar de Piru et uxori tue Guilielme et uestris et quibus dare, uendere, donare seu alienare uolueritis in perpetuum duas pecias terre quas tenemus et habemus in parrochia Sancti Isidori de Piru, quarum una est in loco uocato Ponte Curba, et alia a la Pereta, sicut affrontatur illa de Ponte Curba ab oriente et a meridie et a circio in honore Petri Bernardi, et ab accidente in honore Rubei de Ortís; et illa de sa Pereta affrontat ab oriente in honore Berengarrii Chintane et Raimundí de Resclosa, a meridie in honore meo, et ab accidente in honore Raimundí Perrarrii, a circio in honore Guilielmi Ferrarrii, ita ut teneatis predictas pecias terre et habeatis et possideatis cum exitibus et intratibus et cum omnibus suis pertinentiis tenedonibus et cum omnibus aliis in se habentibus sibique qualicumque modo pertinentibus prout melius et latius; '.dici uel intelligi potest ad uestrum uestrorumque comodum et saluamentum et ad omnem uestram uestrorumque uoluntatem omni tempore faciendam, saluo iure domine abbatisse Sancti Danielis in omnibus, cui dabitis fideliter de expletis tascam et braciaticum. Item dabjts inde nobis et successoribus nostris annuatim pro turnis ad censum quod nos facimus predicte domine abbatisse quatuor denarios barchinonenses monete curribilis in festo Natalis Domini, pro qua uendicione confitemur a uobis recepisse octuaginta solidos barchinonenses de terna, excepcioni pecunie non recepte renunciando, et si plus ualent dicto precio, totum illud plus uobis damus et remitimus, renunciando beneficio illius legis qua deceptis ultra dimidiam iusti precii succurritur. Et cum hoc publico instrumento in corporalem et uacuam huius rei possessionem inducimus, cum omnibus bonis et locis et uocibus et accionibus realibus et personalibus, utilibus, directis atque mixtis. Et est certum quod premium antedictum [...] pro nobis [...] et promittimus uobis in nostra bona fide quod predictas terras, sicut predictis afrontacionibus includuntur, faciamus uobis et quibus uolueritis tenere et habere et possidere semper in pace, et esse garentes ac deffensores contra cunctas personas, et teneri de euiccione et omni interesse, obligando ad hec omnia supradicta uobis et uestris uterque nostrum in solidum, renunciando beneficio diuidende accionis, nos nostrosque heredes et successores et omnia bona nostra habita et habenda, ubique et semper. Et ego dicta Maria scienter renuncio senatus consulto Uelleyano et iuri ypothece et donacionis dicti uiri mei, et ad hec predicta uobis atendenda et complenda et non contradicenda tactis sacrosanctis Dei Euangeliis corporaliter per Deum iuro.

Actum est hoc pridie kalendas augusti anno Domini .MCCLXX. secundo.

Sig+num Petri Pelliparii, sig+num Marie, uxoris eius, sig+num Petri, filii eorum, qui hoc firmamus firmarie rogamus. Sig+num Arnalli Saluatoris de Uilademan. Sig+num Iacobus(sic) Criuelerii de Piru. +Berengaria, Dei gratia abbatissa Sancti Danielis que hoc firmo, saluo iure meo\*. Arnallus, clericus ebdomedarius Sancti Danielis, qui hoc firmo saluo iure Sancti Danielis in omnibus. Ego Bernardus de Tosquers, baiulus qui hoc firmo.

Guilielmus Bernardi de Palacioraphano, subdiachonus et publicus notarius Rupiani, hec scripsi.

Extret de: Marquès, Josep M., ed. Col·lecció diplomàtica de Sant Daniel de Girona (924-1300). Barcelona: Fundació Noguera, 1997. 454-455